



RÖBLOX

Vodič za roditelje

Roblox?

Roblox je online platforma za igru u kojoj učestvuju više igrača. Na platformi se nalazi zbirka igara namjenjenih djeci od 8-18 godina, ali igrači svih uzrasta mogu da je koriste. Roblox je trenutno dostupan za računare, telefone, tablete i Xbox One.

Sve igre na Robloxu kreiraju korisnici, od isporuke pica, do lutanja u ulozi srednjevjekovnog viteza, pa čak i glume u modnoj reviji. Ova raznolikost je jedan od razloga zašto je Roblox toliko popularan kod mladih ljudi.

Čega roditelji moraju biti svjesni

1. **Komunikacija:** kako korisnici mogu komunicirati sa drugima?

Iako su igre namjenjene djeci od 8 do 18 godina, nema ograničenja dobne granice. To znači da i odrasli i mladi ljudi mogu igrati i komunicirati jedni sa drugima na platformi.

Sve igre su online i uključuju chat koji je vidljiv igračima unutar svake pojedinačne igre. Korisnici mogu da šalju i primaju zahtjeve prijatelja tokom igranja, a to znači da mogu da razgovaraju jedni s drugima van igre.

2. **Sadržaj:** kakav sadržaj je dostupan?

Roblox Studio je dio u kome igrači koriste svoju maštu i vještine kako bi kreirali svoje igre i dijelili ih sa drugima. Sposobnost stvaranja i igranja igara može biti veoma privlačna za mlade ljude koji žele da kreiraju sadržaj koji vide online.

Međutim, pošto je sadržaj generisan od strane korisnika, to može značiti da neke igre možda nisu prikladne za mlađu djecu. Na primjer, iako grafika nije tako stvarna, neke igre sadrže oružje i krv.

3. **Troškovi:** kako djeca mogu slučajno pokrenuti troškove?

Kreiranjem igara, korisnici mogu zaraditi Robux, valutu u igri. Robux takođe možete kupiti u igri. Igrači mogu potrošiti novac na stavke, kao što je članstvo u Builders Clubu i sl.

Ako kreatori igre privlače igrače i oglase u igri, oni mogu zaraditi puno Robuxa, koji mogu da pretvore u pravi novac. Da bi to učinili, igrači moraju biti stariji od 13 godina, platiti Robloxovu premijsku pretplatu i imati pristup Paypal računu. To znači da će mlađi igrači morati razgovarati sa odraslom osobom kako bi mogli razmijeniti svoj Robux za pravi novac.

Savjeti za roditelje

Koje god platforme da djeca koriste, naš savjet ostaje isti. Važno je razgovarati sa djetetom o web adresama koje posjećuju i sa njima imati otvorenu diskusiju. To će ih ohrabriti da vam se obrate u vezi svih problema koje mogu imati.

Uključite svoje dijete u diskusije i odluke o sigurnosti na mreži i njihovom korištenju interneta. Ovo će im pomoći da shvate važnost sigurnosti dok se na mreži dobro provode. Također će im pomoći da nauče šta da rade ako nešto krene naopako.

1. Ostanite angažovani i redovno razgovarajte

Pokažite interesovanje za igrice koje vaša djeca igraju. Ovo bi moglo biti kroz razgovor o tome šta vole da igraju ili da ih gledate kako igraju igru. Možete čak i da igrate igre sa njima! Ako djeca znaju da ste zainteresovani za igru, možda će im biti prijatnije da razgovaraju o tome ili da od vas zatraže pomoć ako zatreba.

2. Pomozite im da shvate značaj ličnih podataka

Provjerite da li vaše dijete razumije važnost čuvanja ličnih podataka

3. Postavite pravila oko trošenja novca u igri

Objasnite svom djetetu kako je moguće potrošiti pravi novac u igrici. Postavite pravila; vaše dijete će morati tražiti od vas dozvolu prije nego što u igri potroši novac.

4. Koristite sigurnosne funkcije koje su na raspolaganju

- blokiraj i prijavi,
- provjerite da vaše dijete zna kako pronaći i koristiti Prijavi i Blokirati funkcije,
- podešavanja sigurnosti: Postavite roditeljske kontrole koje su pogodne za vašu porodicu. Takođe možete da onemogućite Chat, podesite roditeljski PIN i koristite ograničenja naloga unutar Roblox-a,
- podešavanja za djecu mlađu od 13 godina: Postoje dodatne sigurnosne postavke za mlađe od 13 godina, tako da je vrijedno provjeriti da li je račun djeteta registrovan uz ispravnu starosnu dob. Igrači mlađi od 13 godina imaju simbol "<13" pored svog korisničkog imena na igri, ali to se ne prikazuje drugim igračima.

5. Ohrabrite ih da vam se obrate ako imaju problem

Objasnite svom djetetu da vam se obrate ako vide nešto neprimjereno, zlobne komentare ili ako ih bilo šta zabrinjava u igri. Ako znate kako prijaviti ovu vrstu sadržaja unutar Roblox-a, bićete u najboljoj poziciji da im pomognete ako im je potrebno.

Kako da vidim šta moje dijete radi na Robloxu?

Postoji nekoliko načina da provjerite istoriju za određene aktivnosti na Roblox nalogu. Kada se prijavite, možete vidjeti:

- kreacije npr. igre, stvari, zvučni zapisi, oglasi ... itd.,
- istoriju privatnih poruka,
- prijatelje i pratiocce,
- kupljene artikle i istoriju trgovine,
- Chat istoriju: da biste pregledali Chat istoriju, potrebno je da otvorite prozor Chat & Party, koji se nalazi u donjem desnom uglu stranice. Kada se ovaj prozor otvori, možete kliknuti na bilo kojeg od navedenih korisnika kako biste otvorili prozor sa istorijom chat-a sa određenom osobom.

Postavke

Postavke chat-a i interakcije:


- kliknite na ikonu zupčanika u gornjem desnom uglu i kliknite na „Settings“ (Postavke),
- na desnoj strani stranice „Settings“ kliknite na opciju „Privacy“ (Privatnost) koja će vas odvesti na stranicu za podešavanje privatnosti,
- ovdje možete podesiti postavke kontakata, kao i druge postavke,
- igrači mlađi 13 mogu izabrati „Friends“ (Prijatelje) ili „No one“ (Niko), dok igrači stariji od 13 godina imaju dodatne opcije za komunikaciju sa drugim osobama.

Za više roditeljske kontrole postoje dodatna ograničenja i postavke PIN-a kojima se može pristupiti na kartici „Security“ (Sigurnost), a koja se nalazi u postavkama naloga.


Blokiranje korisnika

Da biste blokirali drugog korisnika na veb lokaciji ili mobilnoj aplikaciji:

1. otvorite profil koji želite blokirati,
2. kliknite na tri tačke u gornjem desnom uglu,
3. pojaviće se meni, gde možete odabrati opciju „Block User“ (blokiraj korisnika).



Mobile App




Website

Blokiranje korisnika u igri


Da biste blokirali korisnika iz igre:

1. Pronađite korisnika unutar liste igrača u gornjem desnom uglu ekrana. Izgleda ovako:




2. Ako ova lista nije vidljiva, vjerovatno je samo zatvorena. Da biste je ponovo otvorili, kliknite svoje korisničko ime u gornjem desnom uglu.

3. Kada nađete ime korisnika kojeg želite da blokirate, kliknite na njega i otvorite meni.




4. Izaberite „Block User“. Također možete da ih deblokirate ili prijavite zloupotrebu direktno iz ovog menija. Jednom kada ste blokirali korisnika, ikona s lijeve strane njihovog imena će se pretvoriti u krug sa linijom kroz njega kako bi označili da su blokirani.



Prijavljivanje igre


Da biste prijavili čitavu igru, možete koristiti crveno dugme „Report Abuse“ (Prijavi zloupotrebu) u donjem desnom uglu prozora „About“ (O igri).



Biti ćete prebačeni na drugu stranicu na kojoj možete popuniti obrazac prijave, a zatim potvrditi klikom na zeleno dugme „Report Abuse“.

Tell us how you think builderman is breaking the rules of Roblox.

Select any inappropriate media:




Subject:

Comment:


[Report Abuse](#)

Prijava chat-a


Da biste prijavili chat drugog korisnika na Windows platformi, pritisnite ikonu zupčanika u gornjem desnom uglu prozora za chat-anje. Kliknite tri tačke dugme pored korisničkog imena koje želite prijaviti, a zatim kliknite „Report“. Nakon toga kliknite crveno „Report“, te zeleno „Report Abuse“.



Na mobilnim uređajima, pritisnite ikonu zupčanika u gornjem desnom uglu ekrana, a zatim izaberite „Report Abuse“ (Prijavi zloupotrebu).



Kako biste nastavili sa prijavom, odaberite „Report“. Odaberite odgovarajuću opciju, popunite odjeljak za komentare, a zatim pritisnite plavu tipku „Submit“.




Prijavljivanje zloupotrebe u igri

1. Kliknite na dugme „Menu“ koje se nalazi se u gornjem lijevom uglu ekrana.



2. Kliknite na ikonu zastavice koja se nalazi pored imena korisnika ili kliknite na karticu „Report“ na vrhu menija.



3. Ako već nije izabrano, kliknite na padajući meni „Which Player?“ i odaberite korisnika kojeg prijavljujete.



4. Kliknite na padajući meni „Type of Abuse“ da biste izabrali adekvatnu akciju.

5. Dodatni detalji se mogu napisati u kratkom opisu.

6. Kliknite na „Submit“ da biste završili.

Kako biste prijavili igru, otvorite karticu „Report“ (kao što je opisano u koraku 2), a zatim izaberite „Game“ umjesto „Player“ da biste popunili obrazac prijave.

